



XİRHIKAMI A.R.C.O. (XİRHIKAMI, DAIDHİ NİİDHA, DAIDHİ MAI DHASA Y MI BHAI İRHİDHİ) DHAIDHİ BHİ IMİRRİDHA

Api bia oigarragai xii mi maxiudha gi thüthürraga Tumaxi imiaraga bhuidhürrü jaa thumaxi bithadhai go nioki igibaxi biiga gobai xii athadhuña ixthumaxi bia go adhuindhagai o kakidhü tudo (programa) giñ thüthüguidhi si mi bhai agai mi ixthuthuidhi xi bhaii busaidha go oigarraga dhaidhü thaña o bamión kığa maxi busaidha go soimaxi mi xudhu tumarhi mi guguamikidhü giñ thanii imo bai agadha gi solicitugana.

Xi bai aghadha dhaidhü pırhiadha iduñá go Sırhikamigadhi dhaidhü bia xi nüidha dhi dhaidhü mi bai Agidha xii bixi imirridha Buidhürrü go Buaboikidhü go Oficinadhürrü go Secretaría go arhi Kikiandhürrü bhütharrü go Odhami nanamaxi ñiokadhami aipadhürrü oidhakami makidhü kika Edificaciona Héroes de la Revolución go pisoana makidhü utha kika, papaidhü dhaidoñikar Venustiano Carranza, numerogadhi go telefonogadhi 6144293300, ext. 17002, guí ixthutuidhi xii ñiokia buidhürrü o soiñihdikathai go correo electrónico unidadtransparenciaspyci@chihuahua.gob.mx, o gue spyci@chihuahua.gob.mx, o irrana go Plataforma Mexicana go buakidhü http://plataformadetransparencia.org.mx, bhübhüküithai go nioki ajakoga idhi thabukamikidhürrü bhübhüküithai nioki xikadhi billa anorraidharragai makidhibii bii apimü ka bii bixi nioki.

GO PAPERHI MAKİDHÜ GI THİGİTO BHİTHARRÜ IDHUINDHAGAI İMO SOLICITUD DHAIDHÜ İMO ADHUINDHAGAI GO TUKUADHİKİDHÜ ODHAMİ DHAIDHÜ NANAMAXI ÑIOKADHAMİ SIRHIKAMIGADHÜ OIDHHAKAMİ A.R.C.O. MO GI AGAI GO IXTHUMAXI PAPERHI GI THİGUITO:

- 1.- Goo thüthüradhi go thükabi thianidhami dhaidhü xacokika go adhuindhagai bınakami imai thabukami xaco biya nioki.
- 2.- Goo paperhi xacoga bai agai oidhakamigadhi go gidókami dhaidhü ágadha ixthumaxi gubudagai bia go gidhokidhü baithü kiakami dhaidhü xadhürr oidhakami go makidhü abhana kiakami ipi.
- 3.- Guí ixthuthuidhi xii xaco athabuai go bahithü kiakamü makidhü agai thüthürra dhaidhü imiarrahü go nanamaxi ñokadami xikoga guí thanii go solicitud.
- 4.- Maxi aghadha dhaidhürr buaboikidhü ñiokadhami giñ gagai iduña sirhikami A.R.C.O. iküxi giñ thüguitoka imai maxi sırhikami dhaidhü biaka oigarragai.
- 5.- Giñ agai imo sırhikami A.R.C.O. xacoga giñ agai, xii iduña bamioma kiga thaña go bhaii kiakami.
- 6.- Tumaxi xankidhü imai ixthumaxi biigaka o imo paperhi makidhü soina thüguia go thüthüradhi dhaidhü imiarradhi buidhürrü.

Goo thüthüradhi imado imiarradhi ix thuthuidhi xii nüidha agai o go correo electrónico makidhü kaxi giñ otoi baithüki idhi thabokami go correo guí buxasdhü imado imo certificado xákoga dasaka firmagadhi xacoga bii goo paperhi.

İmo midha xikadhi kaxi ga thüguü api go solicitud moo xaco dhaja Oficinagadhi go Buañixikami go ikarhidhi kugathürrü imo kobaü 20 go tasai ikarhidhi dhi podukai oidhakami ñokimo anorraidharradhi podukai ixthuthuidhi xii gıdhutuldha xikadhi kaxi bhai agadha bhai chiki thasai baixthama runchico cabhaidhürrü hasta vianaxiko xihadhi agadha go nioki makidhü kas bhai agaidaithü kigadhokami nioki bii makidhü oidhi go bhaii kuakami dhaidhü go bia 15 bhaiixthama dhan thama thasai dhaidhü pudukai makia buabcdhagarrai xırhikami.

Xii mi biaka kigadokami anorraidharragai nioki o ipoka mi kigadokami nioki igibaxi api daja giñ bhütharrü bhai irhiarragai dhaidhü dhaha imo nioki giñ bhütharrü dhaidhü kii nüidha buidhürrü imo dhunucami bhaiithü (ICHITAIP) irrana bhaiixthama dhan thama thasai runchiko mi nioki o xii ka dhaiubuna go ixtuigako go kigadhokaminioki dhaidhü kugathürrü bhaigai igibaxi.

Interpretado al idioma Ódame/Tepehuan. Se informa que hay tecnicismos y/o palabras que no se encuentran dentro de la propia lengua o el vocabulario, por lo que se opta por dar una explicación del significado desde una interpretación personal, no siendo esta una interpretación única.

<https://plataformadetransparencia.org.mx> • unidadtransparenciaspyci@chihuahua.gob.mx



MÁS CHIHUAHUA
más de lo bueno
GOBIERNO DEL ESTADO

SECRETARÍA DE PUEBLOS
Y COMUNIDADES
INDÍGENAS